

Communicaziun a las medias dals 20 da schaner 2022
(communicaziun ad hoc tenor l'art. 53 dal reglament da quotaziun)

La Banca Chantunala Grischuna sa participescha a la Twelve Capital Holding AG

La Banca Chantunala Grischuna (BCG) sa participescha cun var 30 pertschient a l'interpresa per l'administraziun d'investiziuns Twelve Capital Holding AG. L'Investment Manager independent cun sedia principala a Turitg è sa spezialisà sin investiziuns en il sector da las assicuranzas. Questa participaziun finanziaria strategica rinforza la posiziun da la BCG sco banca d'investiziuns tant al martgà grischun sco era sur ils cunfins chantunals ora.

Cun quest pass vul ins d'ina vart augmentar la contribuziun da la fatschenta d'investiziuns al resultat da banca e da l'autra vart reducir la dependenza da la fatschenta da tschains. Quest svilup resulta tant d'atgna forza sco era cun agid da participaziuns – sco en il cas actual a Twelve Capital. La BCG vegn a far part dal cussegl d'administraziun da Twelve Capital. La collavuraziun en il cussegl d'administraziun è in'ocasiun extraordinaria per la BCG: «Ella suttastritga nossa cumpetenzza en il sector d'investiziuns ed engrondescha il spectrum da soluziuns, uschia che nus pudain porscher dapli pussaivladads a nossas clientas e noss clients», di il CEO da la BCG Daniel Fust. Cun resalva da las permissiuns uffizialas acquista la BCG la participaziun retroactivamain per il 1-1-2022, senza influenzer il resultat dal 2021.

Urs Ramseier, Executive Chairman da Twelve Capital declera: «La participaziun strategica porta stabilitad en noss acziunariat ed ensemen cun la BCG pudain nus perseguitar vinavant nossas finamiras da svilup.»

Strategia d'investiziuns complementara

Twelve Capital è fitg cumpetenta en diversas classas d'investiziuns dal sector da las assicuranzas, tranter auter sin il champ d'emprests d'assicuranzas, da Cat Bonds u d'acziuns d'assicuranzas. La branscha da las assicuranzas è in martgà spezialisà che porscha in potenzial da rendita supplementar per investuras ed investurs e che ha – dal punct da vista istoric – ina ferma correlaziun cun martgads da finanzas tradiziunals. Questas classas d'investiziuns èn damai ina pussaivladad ideala per rinforzar la stabilitad dal portfolio.

Investiziuns persistentas

Tant la Banca Chantunala Grischuna sco era Twelve Capital integreschan il tema persistenza en lur concept da management dal portfolio. La basa furman ils criteris ESG. Quels procuran che vegnan resguardads en las decisiuns d'investiziuns tant criteris che pertutgan l'ambient, fatgs socials sco era facturs da la gestiun d'interpresa. Plinavant èn Twelve Capital e la BCG commembras dad UN PRI – la pli impurtanta organisaziun per investiziuns responsablas en l'entir mund.

Contact:

Daniel Daester, daniel.daester@gkb.ch, telefon +41 81 256 88 01

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, Medias & Investor Relations, Chascha postala, 7001 Cuir
medien@gkb.ch / gkb.ch/de